

OBRAZLOŽENJE BUDŽETA OPĆINE BUGOJNO ZA 2023. GODINU

I PRAVNI OSNOV I NAPOMENE

Pravni osnov za usvajanje Budžeta Općine Bugojno je:

- Zakon o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22)
- Statut Općine Bugojno ("Službene novine Općine Bugojno", broj: 7/07, 2/08, 6/11)
- Zakon o računovodstvu i reviziji u Federaciji BiH ("Službene novine FBiH", broj: 15/21)
- Zakon o principima lokalne samouprave u Federaciji BiH (Službene novine FBiH, broj: 49/06)
- Uredba o računovodstvu budžeta u FBiH ("Službene novine FBiH", broj: 34/14)
- Pravilnik o knjigovodstvu budžeta FBiH ("Službene novine FBiH", broj: 60/14)
- Pravilnik o finansijskom izvještavanju i godišnjem obračunu budžeta u FBiH ("Službene novine FBiH", broj: 69/14, 14/15, 4/16, 19/18, 3/21)
- Pravilnik o obliku, sadržaju, načinu popunjavanja i predaji izjave o fiskalnoj odgovornosti (34/14)

Zakonom o Budžetima FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22) propisuje se jačanje finansijske discipline i fiskalne odgovornosti u FBiH. U skladu sa članovima od 19. do 25. Zakona o Budžetu FBiH korisnici Budžetskih sredstava (potrošačke jedinice-Općinske službe) su dužni da urade svoje finansijske planove, uključujući programe i projekte za tekuće transfere, izdatke i transfere za kapitalne investicije s obrazloženjima koji su osnova za izradu Budžeta.

U skladu sa članom 16. Zakona o Budžetima FBiH, priprema i izrada Budžeta za 2023. godinu se zasniva na Dokumentu okvirnog Budžeta Općine 2023.-2025. godine koji sadrži makroekonomske projekcije i prognoze prihoda i primitaka, rashoda i izdataka za naredne tri godine, Izvršenju budžeta za period I-IX 2022. i revidiranih projekcija prihoda od SBK po osnovu indirektnih i direktnih poreza za period 2023-2025. godinu.

U skladu sa članom 32. Zakona o Budžetima FBiH, Općinski Načelnik nakon razmatranja i izmjena Nacrta Budžeta za 2023. godinu, dostavlja Općinskom vijeću Nacrt Budžeta za 2023. godinu i Nacrt Odluke o izvršavanju Budžeta Općine Bugojno za 2023. godinu.

II RAZLOZI ZA DONOŠENJE BUDŽETA

Cilj donošenja Budžeta je da se omogući i osigura nesmetano funkcionisanje jedinstvenog organa uprave i provođenje aktivnosti lokalne zajednice koje se utvrđuju Zakonom o principima lokalne samouprave u FBiH (Službene novine FBiH, br. 49/06, 51/09).

III PRIHODI, PRIMICI I FINANSIRANJE

Predloženim Nacrtom Budžeta Općine Bugojno za 2023. godinu planirani su ukupni prihodi, primici i finansiranje u iznosu od 10.768.000 KM, što je u odnosu na Budžet 2022. godine povećanje za 2,36 %.

POREZNI PRIHODI (cto 710000) su planirani u iznosu od 7.252.000 KM, što je 67,35 % od ukupnog Budžeta za 2023. godinu, i za 8,56 % su veći od planiranog (usvojenog) Budžeta za 2022. godinu.

Porezi na dobit pojedinaca i preduzeća (cto 711000) za 2023. godinu planirani su u iznosu od 11.000 KM.

Porezi na plaću i radnu snagu (cto 713000) za 2023. godinu planirani su u iznosu od 4.000 KM.

Značajnu stavku u strukturi poreznih prihoda bilježe porezi na imovinu (cto 714000) koji su planirani za 2023. godinu u ukupnom iznosu od 960.000 KM. Od toga planirano je za Stalni porez na imovinu 350.000 KM, Porez na nasljeđe i darove 40.000 KM, Porez na promet nepokretnosti od fizičkih lica 370.000 KM i Porez na promet nepokretnosti od pravnih lica 200.000 KM.

Prihodi od domaćih poreza na dobra i usluge (cto 715000-zaostale obaveze) su planirani u iznosu od 5.500 KM.

Prihodi od poreza na dohodak (cto 716000) su planirani u iznosu od 1.730.000 KM, što je 16,07 % od planiranog u budžetu za 2023. godinu i za 8,13 % su veći u odnosu na usvojeni budžet 2022. godine.

Prihodi od indirektnih poreza (cto 717000) za 2023. godinu planirani su u iznosu od 4.540.000 KM, što je 42,16 % od ukupnog budžeta za 2023. godinu i za 9,11 % su veći u odnosu na usvojeni Budžet 2022. godine. Od toga planirani su Prihodi od indirektnih poreza na ime finansiranja autocesta FBiH u iznosu od 120.000 KM, Prihodi od indirektnih poreza koji pripadaju Direkciji cesta u iznosu od 320.000 KM i Prihodi od indirektnih poreza (PDV-a) koji pripadaju jedinicama lokalne samouprave u iznosu od 4.100.000 KM.

Ostali porezi (cto 719000) su planirani u iznosu od 1.500 KM.

NEPOREZNI PRIHODI (cto 720000) su planirani u iznosu od 2.166.000 KM što je 20,12 % od ukupnog Budžeta za 2023. godinu i za 8,25 % su veći od planiranog u Budžetu za 2022. godinu.

Prihodi od poduzetničkih aktivnosti i imovine (cto 721000) su planirani u iznosu od 55.000 KM.

Naknade i takse i prihodi od pružanja javnih usluga (cto 722000) su planirani u Budžetu za 2023. godinu u iznosu od 2.110.000 KM, što je 19,60 % od ukupnog budžeta za 2023. godinu.

Prihodi od općinskih administrativnih taksi (cto 722130) su planirani u iznosu od 160.000 KM dok su prihodi od općinskih komunalnih taksi (cto 722321) planirani u iznosu od 260.000 KM.

Prihodi od općinskih naknada za zemljište i izgradnju (konto 722430) planirani su za 2023. godinu u iznosu od 1.000.000 KM, dok je naknada po osnovu tehničkog prijema građevina (konto 722436) planirana u iznosu od 45.000 KM.

Prihodi od Općinskih komunalnih naknada (cto 722441) će biti planirani u Budžetu kada se donese nova Općinska Odluka o komunalnim naknadama, a isti se na rashodovnoj strani raspoređuju namjenski za: održavanje javnih i zelenih površina, održavanje javnih saobraćajnih površina, održavanje javnih parkirališta, dijelom za održavanje i izgradnju kanalizacione, vodovodne i elektro mreže, djelatnosti zimskih službi, dekoraciju grada, zbrinjavanje životinja, čišćenje i održavanje regulisanih i neregulisanih vodotoka kao i učešće u otklanjanju posljedica elementarnih nepogoda. Planiranje i namjenska raspodjela Općinskih komunalnih naknada vrši se po Odluci o komunalnim naknadama Općine (Sl. novine Općine, br: 2/05, 1/07, 4/07, 1/08) koja treba biti usklađena sa Zakonom o komunalnim djelatnostima SBK ("Sl. novine SBK", br: 13/13).

Naknada za korištenje šume (cto 722450) je planirana u iznosu od 80.000 KM. Naknada za zakup javnih površina (cto 722463) je planirana u iznosu od 20.000 KM. Naknada za korištenje podataka iz premjera i katastra (cto 722515) je planirana u iznosu od 90.000 KM. Vodne naknade (cto 722520) su planirane u iznosu od 65.000 KM, dok su cestovne naknade (cto 722530) planirane u iznosu od 220.000 KM. Posebna naknada za zaštitu od prirodnih i drugih nesreća (cto 722580) ja planirana u iznosu od 120.000

KM. Prihodi od pružanja javnih usluga (cto 722600) su planirani u iznosu od 40.000 KM, dok su neplanirane uplate (cto 722700) planirane u iznosu od 10.000 KM.

Novčane kazne (cto 723000) po općinskim propisima su planirane u iznosu od 1.000 KM.

TEKUĆI TRANSFERI (cto 730000) od ostalih nivoa vlasti (FBiH, SBK) su planirani u iznosu od 850.000 KM. (očekivana namjenska sredstva od FBiH planirana su u iznosu od 500.000 KM a od SBK u iznosu od 350.000 KM)

KAPITALNI TRANSFERI (cto 740000), očekivana namjenska sredstva za kapitalna ulaganja sa viših nivoa vlasti, su planirani u iznosu od 400.000 KM.

PRIMICI (cto 810000) su planirani u iznosu od 100.000 KM. (odnosi se na prodaju općinskog građevinskog zemljišta)

Struktura plana prihoda, primitaka i finansiranja za 2023. godinu je:

I porezni prihodi	7.252.000 KM	67,35 %
II neporezni prihodi	2.166.000 KM	20,12 %
III tekući transferi	850.000 KM	7,89 %
IV kapitalni transferi	400.000 KM	3,71 %
V primici	100.000 KM	0,93 %
VI Ukupno (I-V)	10.768.000 KM	100.00 %

NAPOMENA: Procjena prihoda za 2023. godinu urađena je u skladu sa Dokumentom okvirnog budžeta Općine 2023.-2025. godinu, na temelju stope rasta bruto društvenog proizvoda na nivou države, SBK i Općine, na osnovu izvršenja budžeta Općine za period I-IX 2022. godinu i Revidiranih projekcija prihoda od SBK po osnovu indirektnih i direktnih poreza za period 2023-2025. godinu. Prihodi općinskog Budžeta urađeni su na temelju Zakona o pripadnosti javnih prihoda u FBiH ("Službene novine FBiH", broj: 22/06, 43/08, 22/09, 35/14, 94/15), Zakonu o porezu na dohodak ("Službene novine FBiH", broj: 10/08, 9/10, 44/11, 7/13,

65/13), Odluke o općinskim administrativnim taksama ("Službene novine Općine Bugojno", broj: 4/01, 7/01, 3/02, 4/02, 5/02), Zakona o komunalnim taksama ("Službene novine SBK/KSB", broj: 2/12, 5/14, 2/18), Zakona o porezima SBK/KSB ("Službene novine SBK"; broj: 6/09, 3/10), Zakona o pripadnosti prihoda u SBK/KSB ("Službene novine SBK", broj: 3/10), Zakona o porezu na promet nekretnina ("Sl.novine SBK/KSB", br. 11/13, prečišćeni tekst), propisa iz oblasti indirektnih poreza.

IV RASHODI, IZDACI, TEKUĆA REZERVA, FINANSIRANJE I NERASPOREĐENI VIŠAK PRIHODA I RASHODA

Ukupno planirani rashodi, izdaci, tekuća rezerva, finansiranje i neraspoređeni višak prihoda i rashoda za 2023. godinu su 10.768.000 KM, što je u odnosu na Budžet 2022. godine povećanje od 2,36 %.

- ✚ **Rashodi po osnovu bruto plaća** (cto 611100) su 2.147.000 KM odnosno 19,94 % od ukupnog budžeta za 2023. godinu dok su **naknade troškova zaposlenih** (cto 611200) planirane u iznosu od 327.000 KM tj. 3,04 % od ukupnog budžeta za 2023. godinu.

- ✚ **Doprinosi poslodavca** (cto 612000) su planirani u iznosu od 225.000 KM odnosno 2,09 % od ukupnog Budžeta za 2023. godinu.

- ✚ **Izdaci za materijal, sitan inventar i usluge** (cto 613000) su planirani u iznosu od 588.000 KM tj. 5,46 % od ukupnog Budžeta za 2023. godinu. Posebno izdvajamo:
 - ugovorene i druge posebne usluge (cto 613 900) koje su planirane u iznosu od 108.000 KM.
 - ugovorene usluge za rad komisija, vijećnika i pred. MZ (cto 613 970) koje su planirane u iznosu od 190.000 KM.
 - Izdaci za volonterski rad po osnovu ugovora koji su planirani u iznosu od 10.000 KM.

✚ **Tekući transferi** (cto 614000) su planirani u iznosu od **5.088.000 KM** (47,25 % od ukupnog Budžeta za 2023. godinu):

➤ **Transferi drugim nivoima vlasti** (cto 614100) **2.412.000 KM**, od čega:

Transfer za Općine za Općinsko pravobranilaštvo Bugojno je planiran u iznosu od 130.000 KM.

Transfer za MZ (mjesne zajednice) je planiran u iznosu od 60.000 KM.

Transfer za službu za lokalni razvoj Javnog preduzeća (JP) za stambeno-komunalne djelatnosti i lokalne puteve je planiran u iznosu od 100.000 KM.

Transfer za festivale u Bugojnu (FEDRA, lutkari i ostali) je planiran u iznosu od 45.000 KM (Napomena: Posebno izdvojiti sredstva za FEDRU 22.000 KM, za Lutkare 14.000 KM i ostalima 9.000 KM)

Transfer za troškove organizovanja javnih manifestacija je planiran u iznosu od 50.000 KM.

Transfer za Osnovnu muzičku školu je planiran u iznosu od 20.000 KM.

Transfer za kulturu za JU KSC Bugojno je planiran u iznosu od 320.000 KM.

Transfer za kulturu za JP RTV Bugojno je planiran u iznosu od 365.000 KM.

Transfer za korištenje sportske dvorane JU KSC-a za članice Sportskog saveza i ostale je planiran u iznosu od 30.000 KM

Transfer za sport je planiran u iznosu od 190.000 KM.

Transfer za premijerligaške klubove je planiran u iznosu od 20.000 KM.

Transfer za ženski nogometni klub Iskra Bugojno u iznosu od 60.000 KM.

Transfer za muški rukometni klub Iskra Bugojno je planiran u iznosu od 100.000 KM

Transfer za izbore je planiran u iznosu od 50.000 KM.

Transfer za obrazovanje za JU za predškolsko obrazovanje je planiran u iznosu od 260.000 KM.

Transfer za obrazovanje i inventivne djelatnosti za osnovno i srednje obrazovanje, magistarske radove, doktorske disertacije i ostalo) je planiran u iznosu od 15.000 KM.

Transfer za JU Dom zdravlja Bugojno (Služba hitne pomoći) planiran je u iznosu od 30.000 KM.

Transfer za JU Dom zdravlja Bugojno (za prijevoz oboljelih od malignih bolesti) je planiran u iznosu od 30.000 KM.

Transfer za JU Dom zdravlja Bugojno (za usluge mrtvozorstva) je planiran u iznosu od 6.000 KM.

Transfer za JU Bolnica Bugojno je planiran u iznosu od 100.000 KM.

Transfer za Centar za socijalni rad je planiran u iznosu od 350.000 KM.

Transfer za javnu kuhinju je planiran u iznosu od 51.000 KM.

Transfer za održavanje kasarne je planiran u iznosu od 30.000 KM.

➤ **Transferi pojedincima (cto 614200) 708.000 KM**

Transfer pojedincima (za socijalnu i zdravstvenu pomoć) je planiran u iznosu od 50.000 KM.

Transfer za raseljena lica je planiran u iznosu od 4.000 KM.

Transfer za osobe sa invaliditetom je planiran u iznosu od 11.000 KM.

Transfer za unapređenje materinstva je planiran u iznosu od 350.000 KM¹.

Transfer za stipendije iznosi ukupno 230.000 KM.

Transfer za elementarne nepogode je planiran u iznosu od 60.000 KM.

Transfer za deminiranje je planiran u iznosu od 3.000 KM.

➤ **Transferi neprofitnim organizacijama (cto 614300) 843.000 KM**

Transferi boračkim organizacijama su ukupno planirani u iznosu od 176.200 KM.

Raspodjela po organizacijama je slijedeća:

- Transfer za RVI 35.288 KM i HVIDRA 25.012 KM

¹ Za svako dijete rođeno u 2023. godini na području općine Bugojno, na osnovu potpune dokumentacije predate nadležnoj općinskoj službi, isplata jednokratne pomoći u iznosu od 1.000,00 KM.

- Transfer Organizaciji porodica šehida i poginulih boraca 22.981 KM, Udruzi obitelji poginulih i nestalih branitelja 18.419 KM
- Transfer udruženjima demobilisanih boraca 29.700 KM i od toga pripada: JOB "Unija veterana" 11.880 KM, Organizaciji demobilisanih boraca Odbrambeno-oslobodilačkog rata 1992-1995 godina-Srednja Bosna OO Bugojno 8.910 KM i Udruženju demobilisanih branilaca Odbrambeno-oslobodilačkog rata 1992-1995 godina-Centralna Bosna Općina Bugojno 8.910 KM. Udrugama dragovoljaca domovinskog rata 19.800 KM.
- Transfer za udruženja demobilisanih boraca i udrugama dragovoljaca domovinskog rata planiran je posebno po projektnoj osnovi u iznosu od 25.000 KM.

Transfer za vjerske zajednice je planiran u iznosu od 55.000 KM.

U okviru transfera parlamentarnim političkim partijama planirana sredstva su 99.000 KM.

Transfer za udruženja građana je ukupno planiran u iznosu od 240.700 KM. (Napomena I: kod transfera za udruženje logoraša i udrugama logoraša raspodjela će se vršiti po omjeru 50:50) (Napomena II: Iz transfera za udruženje stradalih Vrbanja 1993 posebno izdvojiti 2.500 KM za obilježavanje "dana stradalih Srebrenica 1995")

Transfer Vatrogasnom društvu je planiran u iznosu od 160.000 KM.

Transfer za penzionere je planiran u iznosu od 23.100 KM.

Transfer za OO Crveni križ je planiran u iznosu od 26.000 KM.

Transfer za NVO (po projektnoj osnovi) je planiran u iznosu od 10.000 KM.

Transfer za udruženje Bug.Ba (po projektnoj osnovi) je planiran u iznosu od 3.000 KM

Transfer za implementaciju omladinske strategije je planiran u iznosu od 20.000 KM.

Transfer za Omladinski centar Bugojno je planiran u iznosu od 30.000 KM.

➤ Subvencije javnim preduzećima (cto 614400)	510.000 KM
Subvencija za zimsko održavanje i održavanje javnih površina	160.000 KM
Subvencija za zbrinjavanje životinja	50.000 KM
Subvencija za JP Stambeno-komunalne djelatnosti	150.000 KM
Subvencija za JKP Vodovod i kanalizacija (VIK)	150.000 KM
(od toga 40.000 KM za plaćanje duga za vodne naknade)	
➤ Subvencije privatnim preduzećima, poduzet. i poljoprivredne proizvodnje (cto 614500)	390.000 KM
Poticaj za poljoprivrednu proizvodnju je planiran u iznosu od	300.000 KM
Subvencija za poticaj razvoja poduzetništva i obrta	20.000 KM
Subvencija za zapošljavanje mladih i poduzetništvo mladih	70.000 KM
➤ Drugi tekući rashodi (povrat poreza, izvršenje sudskih presuda, nagodbe) (cto 614800)	225.000 KM
Povrat poreza više ili pogrešno uplaćenih sredstava	25.000 KM
Izvršenje sudskih presuda i rješenja o izvršenju	200.000 KM

✚ Struktura kapitalnih transfera (cto 615000) u ukupnom iznosu od 1.833.000 KM je slijedeća (17,02 % od ukupnog Budžeta za 2023. godinu) :

• Kapitalni transferi drugim nivoima vlasti (općinama) (cto 615100) 1.798.000 KM

Kapitalni transferi drugim nivoima vlasti (infrastrukturni projekti i slično) bi se trebali realizovati u skladu sa programima (projektima) kapitalnih investicija za svaku od navedenih stavki u Budžetu za 2023. godinu, uz namjenske tekuće i kapitalne transfere sa viših nivoa vlasti:

- Kapitalni transfer za lokalne puteve 200.000 KM
- Kapitalni transfer za asfaltiranje lokalnih puteva u MZ 30.000 KM
- Transfer za izgradnju putne komunikacije za Vrbas naselje (4 faza) 10.000 KM
- Transfer za izgradnju putne komunikacije za Hendek I 50.000 KM
- Transfer za rekonstrukciju Sultan Ahmedove ulice sa izgradnjom trotoara prema I i III osnovnoj školi 40.000 KM
- Rekonstrukcija Sultan Ahmedove ulice do magistralne ceste za Gornji Vakuf-Uskoplje 50.000 KM
- Rekonstrukcija ceste oko JU KSC-a i izgradnja trotoara i biciklističke staze do ulice 307. Motorizovane br. 40.000 KM
- Transfer za rekonstrukciju naselja Nugle 50.000 KM
- Transfer za rekonstrukciju puta MZ Gaj (podvožnjak) 20.000 KM
- Transfer za rekonstrukciju naselja Lamele (III faza) 60.000 KM
- Transfer za sanaciju gradske deponije 30.000 KM

○ Transfer za izgradnju asfaltnog puta Čaušlije-Boganovci	30.000 KM
○ Transfer za rekonstrukciju asfaltnog puta Kandija-Vučipolje	30.000 KM
○ Transfer za rekonstrukciju asfaltnog puta Boganovci-Podripci	30.000 KM
○ Transfer za rekonstrukciju puta u MZ Vesela (kod groblja), asfaltiranje puta	30.000 KM
○ Transfer za izgradnju asfaltnog puta u MZ Bristovi	30.000 KM
○ Transfer za izgradnju putne komunikacije za Rostovski put	30.000 KM
○ Transfer za saniranje udarnih rupa	30.000 KM
○ Transfer za rekonstrukciju Wagnerove ulice kod stadiona Mladost	25.000 KM
○ Transfer za postavljanje horizontalne i vertikalne signalizacije	20.000 KM
○ Uređenje, prostorni plan, Urbanistički plan (projektna dokumentacija), digitalizacija	30.000 KM
○ Transfer za JP Rudnik Bugojno	5.000 KM
○ Vodosnabdijevanje (10.000 KM za izradu projektne dokumentacije za vodovodnu mrežu Općine Bugojno)	30.000 KM
○ Transfer za sanaciju klizišta i kvarova na bazenu Vrbanja i vodovoda Krušćica	40.000 KM
○ Elektromreža	30.000 KM
○ Transfer za izgradnju elektromreže u Mjesnim zajednicama	20.000 KM
○ Transfer za izgradnju javne rasvjete i trotoara u naselju Podgaj	20.000 KM
○ Kanalizacija (10.000 KM za izradu projektne dokumentacije za kanalizacionu mrežu Općine Bugojno)	30.000 KM

○ Transfer za izgradnju kanalizacione mreže u mjesnim zajednicama (projekat : Podgaj-Karadže)	85.000 KM
○ Transfer za izgradnju kanalizacione mreže Poriče-Alibegovići-Ždralovići	30.000 KM
○ Transfer za izgradnju kanalizacione mreže MZ Crniče-Vrpeč	15.000 KM
○ Transfer za izgradnju kanalizacione mreže MZ Odžak	15.000 KM
○ Transfer za izgradnju sportskih terena	30.000 KM
○ Transfer za sportske terene u MZ Bristovi, kod I, II, I-III Osnovne škole i u MZ Vrbanja	30.000 KM
○ Kapitalni transfer za JU Opća bolnica Bugojno	80.000 KM
○ Transfer za JU predškolsko obrazovanje	45.000 KM
○ Participacija u projektima-donacije	10.000 KM
○ Transfer za planinarske domove (po projektu)	6.000 KM
○ Transfer za nastavak izgradnje planinarskog doma Duboka	12.000 KM
○ Kapitalni transfer za JP RTV za nabavku opreme	25.000 KM
○ Kapitalni transfer za JU KSC za nabavku opreme, rekonstrukcija krova, utopljavanje, nabavka koševa, opremanje kino dvorane	120.000 KM
○ Transfer za uređenje okoliša i infrastrukture u MZ Kandija	15.000 KM
○ Transfer za JU Dom zdravlja	80.000 KM

○ Transfer za kontrolu hemijske i mikrobiološke ispravnosti vode vodovoda koji nisu u sistemu JKP VIK Bugojno	20.000 KM
○ Transfer za rekonstrukciju stadiona Jaklić i ostale potrebe NK Iskra	100.000 KM
○ Kapitalni transfer za Vatrogasno društvo	30.000 KM
○ Transfer za izgradnju prostorija za MZ Glavice	10.000 KM
● Kapitalni transfer pojedincima (cto 615200)	35.000 KM
○ Transfer pojedincima za obnovu kuća i naknadu šteta	20.000 KM
○ Participacija u projektu obnove-donacija R.Hrvatske	15.000 KM

A) NAPOMENA: Kod realizacije kapitalnih transfera voditi će se računa o ravnomjernom učešću MZ kao i o nastavku započetih projekata iz 2022. godine. Za 2023. godinu planirana je realizacija svih započetih infrastrukturnih projekata po mjesnim zajednicama uz pomoć viših nivoa vlasti. Kapitalni transferi će se realizovati po usvojenim programima nadležnih službi i dostavljenim projektima od strane krajnjih korisnika.

Kod realizacije kapitalnih transfera vodit će se računa o izradi prioritetnih projekata (započetih i novih):

- Izrada putne komunikacije (saniranje makadamskih puteva i asfaltiranje)
- Vodosnabdijevanje
- Izrada kanalizacione mreže započetih i novih projekata
- Proširenje elektromreže
- Izrada novih projekata iz infrastrukture (nove projektne dokumentacije)
- Izgradnja započetih i novih sportskih terena

✚ **Struktura kapitalnih izdataka (cto 820000) u ukupnom iznosu od 390.000 KM je slijedeća** (3,62 % od ukupnog Budžeta za 2023. godinu) :

• Izdaci za nabavku stalnih sredstava (cto 821000)	390.000 KM
○ Preuzimanje neizgrađenog gradskog građevinskog zemljišta	20.000 KM
○ Podzida, sanacija klizišta Grad, Kordići-Gračanica	10.000 KM
○ Sanacija klizišta	10.000 KM
○ Rakonstrukcija mosta u Vrbanji i mosta u Kandiji	10.000 KM
○ Izgradnja vodozahvata "Husića vrelo"	200.000 KM
○ Izgradnja vodovodne mreže u MZ Rovna	30.000 KM
○ Nabavka opreme u upravi	50.000 KM
○ Studija izvodljivosti, projektne pripreme i projektovanje (daljinsko grijanje i drugo projektovanje)	10.000 KM
○ Rekonstrukcija i investiciono održavanje (zgrada Općine)	50.000 KM

B) NAPOMENA: Na osnovu Zakona o budžetima FBiH i Odluke o izvršavanju Budžeta Općine Bugojno za 2023. godinu, korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobrena u okviru iznosa alociranog za tog korisnika. Korisnici tekućih i kapitalnih transfera Budžeta za 2023. godinu obavezni su u roku od mjesec dana po utrošku sredstava dostaviti izvještaj sa dokumentacijom o namjenskom utrošku sredstava, a za sredstva koja nisu utrošena ili su djelimično utrošena u budžetskoj godini dostaviti izvještaj o utrošku sredstava do 31.12.2023. godine. Korisnici koji ne postupe u skladu sa navedenom odredbom obavezni su izvršiti povrat neopravdanih sredstava o čemu postupak pokreće služba nadležna za realizaciju tekućih i kapitalnih transfera (u okviru koje se nalaze transferi u budžetu).

TEKUĆA REZERVA je planirana u iznosu od 60.000 KM, što čini 0,56 % od ukupnog iznosa Budžeta za 2023. godinu.

IZDACI ZA KAMATE su planirani u iznosu od 10.000 KM i odnosi se uglavnom na overdraft.

NERASPOREĐENI VIŠAK PRIHODA I RASHODA se planira u Budžetu za 2023. godinu u iznosu od 100.000 KM, a u cilju djelimičnog smanjenja viška rashoda nad prihodima iz prethodnog perioda, što je u skladu sa Zakonom o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22).

V PRIJEDLOG MJERA

- Zbog evidentne inflacije i trenutne ekonomske krize koja negativno utiču na priliv sredstava (posebno kod neporeznih prihoda), potrebno je u narednom periodu donijeti set ekonomskih i fiskalnih mjera zajedno sa Načelnikom, Općinskim službama i ostalim korisnicima budžetskih sredstava i posebno sa Općinskim vijećem, s ciljem uspostavljanja efikasne kontrole i balansa prihoda i rashoda kako bi se spriječio budžetski disbalans u fiskalnoj 2023 godini;
- S ciljem uspostavljanja efikasne kontrole prihoda potrebno je iznaći drugačije načine naplate (upozorenja, sudske odluke) kada se ne plaćaju obaveze koje proizilaze iz registriranih dozvola i odluka;
- Uspostavljanje mehanizama za kontrolu budžetskih sredstava kako bi se izbjegli neplanirani rashodi;
- Potrebno je, uz sadašnje izvore neporeskih prihoda, identificirati i nove u skladu sa zakonom;
- Jačanje koordiniranog rada između organa uprave, Poreske uprave i inspekcijaskog nadzora;
- Restriktivna politika prema potrošnji Budžetskih sredstava (racionalizacija potrošnje odnosno promocija efikasnosti potrošnje uz napomenu da je Budžet Općine urađen tako da osigurava normalan rad organa uprave i ostalih korisnika).
- Budžetska disciplina i jačanje fiskalne odgovornosti nadležnih organa upravljanja
- Jačanje makroekonomske stabilnosti (važna uloga nadležnih službi, privatnog sektora, Javnih preduzeća i ustanova i ostalih korisnika)
- Provođenje reforme javne uprave, javnih preduzeća i ustanova
- Provođenje mjera za poticanje zaposlenosti u javnom i privatnom sektoru, uz očuvanje socijalne stabilnosti
- Koordinacija i pojačane aktivnosti svih korisnika budžetskih sredstava u prikupljanju javnih prihoda sa svih nivoa vlasti
- Sprovođenje svih zakonskih i podzakonskih akata sa viših nivoa vlasti u skladu sa realnim potrebama i mogućnostima Općine.

Bugojno, novembar 2022. godine

Predsjedavajući Općinskog vijeća

Miroslav Zelić